

Powšitkowne WOZJEWJENJA

njedźelu, 7. decembra 2014

Boža mša na marijanskim swjedženju w Róžeńće

Boža mša na wysokim swjedženju swjateje Marije bjezhřešneho podjeća w Róžeńće budže pónđzelu, 8. decembra, w 9 hodž. Kemšam přizamknje so krótki nyšpor. Wěriwi ze wšitkich serbskich wosadow su wutrobnje do Róžanta přeprašeni.

Adwentnička młodostnych

Adwentnička serbskich młodostnych je lětsa njedźelu, 7. decembra, w Baćonju. Započatk je w 14 hodž. z nyšporom w cyrkwi, kotryž wuhotuje chór 1. serbskeje kulturneje brigady z Budyšina. Přizamknje so swačina na farje.

Kašubske a pólske kolendy

W zwisku z wosebitej wustajeńcu wo kašubskej kulturje w Budyskim Serbskim muzeju je tam tutu njedźelu, 7. decembra, w 17.00 hodž. adwentny koncert skupiny „We dwa konomie“ z kašubskimi a pólskimi kolendami. Hodžinu do zahajenja koncerta móža so zajimcy po wosebitej wustajeńcy wo Kašubach wodzić dać.

TCM – „Łužica pomha“ prosy wo dary za Krupku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ wobnowjenje kapałki ze studničku swjateje Marije w Krupce podpěrać. Na tu-te putniske městno putnikuja młodži a starši katolscy Serbja kóždy lěto pěši, z kołom, awtom abo busom. TCM prosy wěriwych wo šćedriwe dary na konto Cyrill-Methodius-Verein, IBAN: DE65 750 90 300 000 828 23 66, BIC: GENO DEF1 M05 pola banki Liga pod hesłom „Łužica pomha“. Štóž přeje sej darowansku kwitowanku, njech poda na přepokazance swoju dospołnu adresu. *J. Špitank, předsyda TCM*

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 10. januara, w 14.00 hodž. w Chróšćanskej „Jednoće“ halowy koparski turněr wo pokal TCM. Přeprašene su wosadne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjemi a jednym wrotarjom. Přizjewić měli so mustwa hač do srjedy, 7. januara, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Přiležnosć k swjatej spowědži w Róžeńće

sobotu, 13. decembra 17.00 - 18.00 hodž.	farar M. Anders, farar G. Nawka, farar D. Dzikiewicz, farar B. Jakubaš
wutoru, 16. decembra 18.30 - 19.30 hodž.	tach. farar W. Sćapan, farar M. Deleńk, farar D. Dzikiewicz, farar J. Magiera
sobotu, 20. decembra 17.00 - 18.00 hodž.	farar M. Anders, farar C. Hrhjehor, farar G. Nawka, farar B. Jakubaš
wutoru, 23. decembra 18.30 - 19.30 hodž.	farar M. Anders, farar G. Warnar, farar B. Jakubaš, kapłan O. Gonda

Kubłanske dny w Schmiedebergu

Kubłanske dny serbskich młodostnych budu wot pjatka do njedzele, 2. do 4. januara 2015, w Schmiedebergu. Přizjewjenja přijimaja so hač do štwórtka, 18. decembra, w Dekanatnym dušepastyrstwe we Worklecach pod telefonowym čisłom 03 57 96 (9 55 95) abo z mailku na don.boskowy-dom@t-online.de.

Paslenje hodownych darikow

Dekanatne dušepastyrstwo přeprašuje šulerki a šulerjow 6. do 8. lětnika sobotu, 20. decembra, wot 9 do 14 hodž. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 16. decembra, pod telefonowym čisłom (03 57 96) 8 87 07 přizjewja. Za wudawki dnja zběra so na wobdźělnika přinošk we wysokosći dźesać eurow.

Adwentny koncert Budyskich gymnaziastow

Na swój tradicionelny adwentny koncert přeprašuje chór 1. serbskeje kulturneje brigady z.t. sobotu, 13. decembra, w 17 hodž. do Michałskeje cyrkwje w Budyšinje. Solistka budže Daniela Hazec, na piščelach zahraje Michał Donat, a Gina Hentsch přewodźuje chór na klawěrje. Cyłkowny wumělski nawod změje Friedemann Böhme.

Komedija w Sulšecach

Dalše předstajenje komedije „Jedyn Šwjerčik přińdže zrědka sam“ budže sobotu, 13. decembra, w 19.30 hodž. w Sulšecach. Hrajerjo Chróšćanskeje dźiwadłoweje skupiny wšitkich wutrobnje přeprašuja.

Dźěłarnja za zbrašenych pyta noweho nawodu

Klášter Marijina Hwězda pyta za swój Dom swjateho Michała, dźěłarnju za zbrašenych, w Pančicach-Kukowje noweho nawodu. Wobšěrne wupisanje je pod www.posol.de wozjewjene. Nadrobnosće zhonja zajimcy tež pod telefonowym čisłom (03 57 96) 9 94 63.